



Osvrt na predavanje o miru

Škola je ta koja treba obrazovati mlade da njenim završetkom stvaraju društvene uvjete kako bi ljudske sposobnosti cvjetale.

Ono što se meni nudi kao zaključak slušajući predavanje uvaženog profesora Ćurak Nerzuka jeste potreba za osnaživanjem mladih ljudi da shvate značaj održivog razvoja. Mišljenja sam da je upravo škola ta koja treba obrazovati mlade da njenim završetkom stvaraju društvene uvjete kako bi ljudske sposobnosti cvjetale.

Da bi se to ostvarilo učitelji, ovdje mislim na sve koji predaju djeci, pa čak i matematiku ~~treba~~ treba da nauče mlade da održivi razvoj nije samo ekologija, najmanje ekologija svedena na obilježavanje Dana planete Zemlje. Održivi razvoj jeste i ekologija u kojoj dobijamo sugrađane koji uočavaju deformitete u svom okruženju i negoduju zbog tog (izlaze na proteste kako bi se zaustavila izgradnja hidroelektrana na našim rijekama). Ali održivi razvoj su i mladi ljudi koji se umrežavaju kako bi se ostvarili veći benefiti za kompletno društvo, kao i mladi ljudi koji će takvim pristupom prema prirodi i društvu mijenjati sebe, svoj um, sve otvarajući se prema drugima i drugačijima oko sebe, te prema biljnom i životinjskom svijetu.

Mladi ljudi ovim pristupom neće nas samo osloboditi direktnog nasilja, nego i strukturalnog i kulturnog i omogućiti obrazovanje dostupno za sve, zdravlje dostupno za sve, socijanu jednakost, rodnu ravnopravnost, redukciju siromaštva, jednom riječju MIR.

Staša Vukasović

Collections

Objava